

堯山堂外紀

堯山堂外紀卷八十八

晉陵蔣仲舒編

國朝

羅倫

字彛正一字應魁號一峰殿試卷騰真
以十三幅為格本朝廷對策惟一峰極
長蓋一峰既中會試於禮部頃卷時自言
久於場屋有志廷對願增帑以畢所欲陳
禮部官壯其志許之騰真遂有二十幅時
李文達進讀羅卷幾一時餘李年漸高跪
久至不能起上命兩內臣掖之是年羅遂
為大魁至次科會試亦有欲比羅例者禮
部官以為有意希望竟不從
故至今惟以十三幅為式

身山堂久錄卷八十八
成化乙酉羅倫赴春闈道經蘇州為文謁范文正
公祠是夕宿舟中夢文正遺詩曰賜帶橫腰重
宮花壓帽斜勸君少飲酒不久臥烟霞明年狀
元及第不久謝政歸隱而卒

羅倫上疏論閣老南陽李賢奪情事調廣東市舶
提舉時學士陳文為李畫策故有此貶後倫復
官李已謝世及文死薛之綱御史作詩挽之曰
學士先生早蓋棺薤歌殷裏路人歡填門客散

名猶在負郭田多必亦安鹽井已非今日利冰
山不似舊時寒九原若見南陽李為道羅倫已
復官

畢瑜

貴溪人羅倫榜進士

畢瑜為山東提學日有張驛丞者鄉試中式瑜贈
之詩曰一官耻不與清流忙裏遺編自校讐枳
棘豈能留彩鳳鹽車未必困驛騶東藩領薦名
初顯西蜀題橋志已酬脫却樊籠入佳境春雷

萬里步瀛洲。

張昇

字啟昭號相嗟南城人成化己丑博學
前一夕夢登天兩手挈二人頭云皆同

姓者及閩榜一甲首為昇
二甲首張燠三甲首張曉

張昇為翰林侍讀會風雹發自天壽山毀瓦傷物
震驚陵寢朝廷戒諭群臣修省遣官祭告於是
昇數劾閣老吉十罪謫南京工部員外郎同鄉
何喬新贈以詩曰鄉邦交誼最相親忍向離筵
勸酒頻抗疏但求禪聖治論思端不忝儒臣自

憐石介非狂士任詆西山是小人暫別鑿坡非
遠謫莫將辭賦弔靈均由是人目吉為劉綿花
以其耐彈也吉聞而大怒或告以出自監中一
老舉人善懷諧者吉奏凡舉人監生三次不中
者不許會試

翰林院學士惟一人多或三五人弘治壬戌秋閣
老洛陽劉公健因修會典成欲德翰林一時陞
學士者十人時禮部尚書已有六人謝運以在

內閣張昇為禮書掌鴻臚事崔志端以禮書掌
太常事并南京為六人崔由神樂觀道士京師
為之語曰禮部六尚書一員黃老翰林十學士
五箇白丁一時盛傳以為的對且有譏警蓋此
五人謂山西張陝西楊大興劉并某某皆成化
戊戌閣老萬公安以私意選為庶吉士者

費閻

字廷言丹徒人
成化己丑會元

費廷言自進士至司業纔九年未受命兩月前李

西涯嘗夢廷言拜是官已而果然後赴廷言飲
留題廂壁云壁水橋門別是天瀛州東望亦登
仙館中群士有同輩天下此官無剩員南京舊
多闕僅
北監坐擁圖書消暇日夢隨冠蓋入新年班行
一人舊會今稀少莫恠相過意惘然

費閭為祭酒日鳳翔之麟遊有虎臣者貢入太學
適聞萬歲山架棕棚以備登眺臣上疏極諫

憲廟奇之閭初不知也懼其賈禍乃會六堂鳴

鼓鞞罪鐵索鎖項以待俄有官校宣臣至左順
門中官傳溫旨勞之曰爾言是也棕棚即拆卸
矣命銓選予臣七品正官聞聞而大慚臣名遂
播天下後知雲南鄂嘉縣卒于官楚雄姚鵬哭
之以詩曰獻策當年為國憂至今浩氣貫皇州
只期事業垂千古豈料形骸付一丘青史有名
書虎氏錦衣無復耀麟遊蒼天不管忠良士空
使窮荒草木愁

吳寬

字原博號匏菴長洲人應試南畿時

寓有施煥伯者中榜遠鹿鳴宴罷煥伯

出曰吾意兄策舉擣之騎遵崇化之

途矣寬曰同行無疎伴其有若如此

吳原博寬未第時已有能詩名成化壬辰春李西

涯省墓湖南時未始識也蕭海釣文明為致一

詩曰京華旅食變風霜。天上空瞻白玉堂。短刺

未曾通姓字。大篇時復見文章。神游汗漫瀛洲

遠。春夢依稀玉樹長。忽報先生有行色。詩成獨

立到斜陽。西涯陸薛日見考官彭敷五為誦此

詩戲謂之曰。場屋中有此人。不可不收。教五問。其名曰予。亦聞之矣。已而果得原博為第一。

李西涯赴吳原博飲席上用擊鼓催花令戲成一詩曰。擊鼓當筵四座驚。花枝絡繹往來輕。鼓翻急。兩山頭。腳花開。狂峰葉底。穀上苑。枯榮元有數。東君去住本無情。未誇刻燭多才思。一遍須教八韻成。

閣諸公同集吳寬邸賞菊即席聯句陸簡倡云

醉愛寒香。仰紫貂。陳璠云玉堂風采宴官僚。李
傑云肯孤晚歲花神約。王鏊云須仗今朝酒聖。
澆寬云風雨尚懷前會阻。李東陽云雪霜猶喜
後時凋。林瀚云不知陶徑孤吟處。謝鐸云零落
何人許。見招。

吳原博雪後入朝詩云天門晴雪映朝冠。步澁頻
扶白玉闌。為語後人須把滑。正憂高處不勝寒。
饑鳥隔竹餐。應盡馴象當庭踏。又殘莫向都人

誇瑞兆近郊或恐有袁步。

王鏊

字濟之少隨父游京師葉盛試所學奇之時取宰王翱新起盛曰失一王翱得

第一王鏊安知非後來忠肅乎後鄉會試皆第一廷試策又冠場時商文毅公秉衡恐

其軋已抑

置第三

王文恪公六七歲時附學於舅氏一小女使送茶
王戲以手握其手舅氏出一對曰奴手為擎此
後莫擎奴手王即對曰人言是信從今母信人
言。

王文恪公年十二能詩有以呂純陽渡海像求題
公援筆書其上云扇作帆兮劍作舟飄然直渡
海洋秋饒他弱水三千里終到達萊第一洲識
者已知公為遠器矣

劉戩

字景元安福人
乙未榜眼及第

劉景元以侍講使交南時交人吞占城侵緬甸頗
難其行劉毅然上道攜二僕由南寧直抵其境
交人驚曰昔之人皆航海來颺檣蔽洋貿易

奇今公豈夫人耶何其簡速也奉迎館候視昔
倍恭陪臣拜跪劉據大明集禮之文受之不與
交一語至之日頒詔明日宴畢即行王大驚曰
一國生靈命緣天使致饋遺豐腴倍昔金珠犀
象珍玩甚多劉一不顧即行復遣陪臣要於路
期必致之劉復書示以初八關詩曰咫尺天威
誓肅將寸心端不愧蒼蒼歸裝若有關南物一
任閔神降百殃交人益敬悚遣陪臣入謝表有

廷臣清白之語云

王琰

字良璧棗陽人
乙未第進士

王琰初授行人擢御史巡按蘇松有聲吳地號繁
刷徧詢與臺巨奸宿蠹一剔而盡平生清若人
所不堪卒之日衾櫬不備合臺助焉嘗題夏太
常景墨竹曰幽人研玉露寫此青琅玕清標正

相似儵然同歲寒益言志也

景本名昶字仲招
東吳人登進士時

冑姓朱後復其姓以善書徵入翰林文皇以所
書為第一顧見其名謂曰太陽麗天照臨萬國

日宜書在永上泉頓首受命士
夫以為榮一時同名者皆改焉

傅凱

南安人曾
彥榜進士

傅黃門使夷域道經仙遊縣九僊祠傅禱以驗出
使事夢有孺子歌云青草流沙六六灣傳度之
漠然於中至夷域館燕殊隆飲間夷王令主客
者請曰黃河濯水三三曲願天使為我對之傅
念前夢詞意兼絕即對云青草流沙六六灣夷
王驚服盡以珍寶竒玩厚遺而還蓋吾華有九

曲而是夷有三十六灣彼謂知吾華之勝吾亦

能博彼夷之界故也

臨海錢參政為諸生時嘗

聯曰夜色一蓬舟江穀兩岸潮後二十年自嶺

南謝事歸帶月行舟湖穀初至恍然如見往時

夢中之景感嘆人生行止似不偶然因慘然不

樂至五鼓不疾而終 豐成塗副使為諸生時

祈夢於九鯉湖仙祠夢入古寺花木映簾泉穀

滿戶壁間有唐詩一絕云月華星彩坐來取巖

色江穀暗結愁半夜燈前十年事一時和雨到

心頭既覺悵然自分科目絕望矣越數年登進

士為御史以仙祠之夢不足信後為廣東副使

巡海至山中古寺風景依然如夢仰見所夢唐

詩遺墨大字書在壁間乃惕然驚疑達旦不睡

次日乃得羈官之報蓋仙祠之夢多驗於結局

也類
如此

羅鑒

號湘川茶陵人
傳凱同榜進士

羅湘川退居柳坪之上鑿池架亭名曰願樂日處
其間為詩云亭中樂事與誰傳朱紫身閑更大
年明月泛遊蘇軾後北窓高卧伏羲前林泉茹
飲貧無辱花木栽培靜有權一室蕭然無俗慮
却疑身世是壺天

趙寬

字秉夫吳江人少以論手稱
於吳中成化辛丑會試第一

趙栗夫與楊君謙同中應天府鄉試栗夫年二十
一君謙年二十次年同在太學吾常王文肅公
為祭酒雅重之每致引試二人遂為契交後同
在郎署君謙得請將還栗夫與王古直陳一變
王存敬侯公絕徐栗夫來錢時日暮雨作諸君
叙坐而古直老人以隱者野服居首席君謙請
於諸君願按京師例作長句為樂因復請立一
人為詩監以典賞罰就請命題以趙栗夫為之

栗夫曰今對夜雨只此可詠詩用五言以落字
為韻只詠兩夜事不許汗漫無干於是古直老
人先唱一句曰高筵啟秋雨次徐栗夫曰頓爾
淨餘燭得非洗我塵時栗夫初使回故云趙栗
夫曰侶欲添君酌堦前渠溜走陳一夔曰燈下
簷花落來遲路遂阻入門而雨王存敬曰坐久
衣轉薄暫停得耳靜楊君謙曰忽至今心悽蕭
蕭佐歸懷侯公繩曰潺潺亂歡譁翻盆入杜詠

古直老人曰名亭見蘇作浸溪墻可危徐栗夫
曰泛滿庭堪濯徙穴蟻何智趙栗夫曰歸林禽
亦樂未如啣枚陣陳一夔曰響失巡更柝諸公
競解帶王存敬曰群僕皆赤腳積陰已連朝楊
君謙曰浮潤先徵昨良濱坐自固侯公純曰好
主投不錯決明色猶鮮古直老人曰梧桐意方
索滴成老况愁徐栗夫曰激起鄉思惡吾方利
河漲趙栗夫曰我亦思履着試將聽官舍陳一

夔曰何如枕山閣朝街泥想尺王存敬曰漏地
水驚勺忙身夜竊暇楊君謙曰病體涼得藥對
酒今則同侯公繩曰逐事明又各搜吟思已倦
古直老人結之曰願且更束約是為聯句古直
老人為之終始凡三巡而畢爾我交評咸以為
佳詠云

方七人聯句時一客秉筆構思則有六客無事一
巡詩至須待二三刻楊謙君復立一令裂紙如

掌潤者七紙請於趙栗夫曰聯句未至時請各
自述一首述不當者君詩監主之時徐栗夫先
成曰黃金臺下雨聲稠白玉橋邊水亂流戀闕
思親情更切不堪今夜故人留陳一夔次成曰
自笑馮郎老更迂故山田舍半荒蕪縱然麟閣
在平地未有丹青畫老夫王存敬次成曰七賢
言志一燈前次到迂夫獨篋然食祿十年官再
徙不曾留得買書錢楊君謙次成曰長揖諸公

從此辭病人筋力自家知。如今只把醫方看，做得功名也是癡。古直老人次成曰：秋雨曉簷聲，滴滴夜堂燒燭影。輝輝自怜王粲身，飄泊白首人間尚未歸。侯公絕次成曰：馬蹄日日走紅塵，自怪微官繫此身。滄海烟波無限好，未歸真是不如人。趙栗夫次成曰：吾憶東南山水隈，已無情緒走塵埃。何人先自清游去，我有青鞋亦共來。時雨益甚不止，而聯句猶未成，諸君各作此。

自述詩與聯句無妨一時樂甚

陳一夔亭華人與蘇去二百里於趙栗夫固鄉人也兩人交甚厚若兄弟然無一會不俱者一夔好作詩醞藉典則時有真詣語如詠秋懷云人老漸驚生白髮家貧未辦買青山楊君謙以為自然妙句一夔崛強每遇事不可意必云吾只不作官乃已耳其心能輕功名如此故七人聯句之夕一夔作詩田園意屢與時各有互相贈

答詩一夔贈栗夫云。粟巾街。西新卜居。萱棚瓜
蔓共蕭疎。胸中富有書。千卷諱笑家。無擔石儲。
栗夫得詩。仰面撫掌大笑。連稱妙甚。衆客傳觀。
皆賞以為雅製。栗夫答云。風流故與時情別。樗
散偏於酒趣深。未老便為投綬計。知公天性在
山林。君謙笑云。一夔未去。若據君言。則是一夔
即今就去也。栗夫戲曰。吾欲促其去耳。筵中為
之一噓。

彭福

字綏之樂平人脫號懶農

彭綏之守秦州以直道忤部使者歸時寓鄆陽里中有新登進士第者綏之具酌邀飲值微雨累遠不至綏之遺以詩云倘來名利若游塵何事癡兒太認真咫尺泥塗行不得山陰雪夜是何人

懶農落職家居縣當大造其子囑司書者飛稅他戶懶農知之招司書飲戲贈之詩曰洛陽城

中桃李花飛來飛去落誰家。司書答曰舊時王
謝堂前燕飛入尋常百姓家。懶農曰既不飛上
天飛入地不過飛入百姓家耳安忍為此乃為
詩謝之曰洪水推沙塞兩涯。推來推去只交加。
誰知二世宮中鹿。走過劉家又李家。飛稅竟止
弘治間樂平有趙尹考滿還任邑中士夫皆趨迓
之彭懶農獨投以詩云洎陽繞駐使君標。本欲
趨迎懶折腰。莫恠野人疎禮節。好從陽畫說陽

橋人皆莫喻其意一日編修程念齋見之笑曰

綏之譏我邑中人深矣蓋用宓子賤事也

子賤為單

父宰過於楊畫畫曰吾少也賤不知治民之術
有釣道二焉請以送子夫叔綸錯解迎而吸之
者陽橋也其魚薄而不美若存若止若不食者
魴也其為魚也博而厚味子賤曰善未至單父
冠蓋迎之交接於適子賤曰車驅之車驅之夫
陽畫所謂陽橋者至矣於是至單父請其耆老
尊賢者而與之共治

儲懽

字靜夫號漱壺先世
毘陵人元末徙泰州

儲懽初游州庠少循矩度學官示以句曰賭錢喫

酒養婆娘三者倘矣儲應穀曰齊家治國平天下。一以貫之已而舉應天癸卯鄉試第一甲辰會試第一比廷對確以三元自期內閣開其自負乃抑置二甲第一自後勵行檢務文學遂得

全終身名

李旻

字子陽號東崖錢唐人與王莘同庚而長三十五日庚子考官取莘為解首監

臨謝御史熾華白木乃更李李王皆營臨所正班班主文者夢中得一舉中雙元之

句以為必無此事後相繼首擢

李子陽少有文名成化庚子秋試八月二日與同
輩入學晨忝忽五色一鳥飛入明倫堂盤旋不
去諸生喧縱聚觀竟棲止於梁間二日衆以此
殆文明之兆子陽為詩慶之曰文采翩翩世所
稀講堂飛止正相宜定應覽德來千仞不但希
恩借一枝羨爾能知鴻鵠志催人同上鳳凰池
解元魁選皆常事更向天衢作羽儀是歲子陽
果以易經發解甲辰廷試第一

成化癸卯冬李子陽將赴春闈友人鎖愁堅者送
之賦正宮謁金門詞云人艤畫船馬鞍上錦鞵
催赴瓊林宴塞鴻殷裏暮秋天綠酒金盃勸畱
意方深離情漸遠到京廷中選今秋是解元來
春是狀元拜舞在金鑾殿已而子陽果魁天下
愁堅西域人唐宋南渡遂為杭人代有詩名愁
堅尤善吟寫成化間遊苕城朱文理座間索賦
其家假山愁堅賦沉醉東風一闌云風過處香
生院宇兩收時翠溼琴書移來小朵嶠幻出天
然趣倚闌干盡日披圖謾說蓬萊恐
是虛只此是神仙洞府為一時所稱

有人命題云新竹似村姑。遇節略施薄粉。李子陽
卽對曰落梅如老妓。下稍猶帶餘香。

邵寶

字國賢號二泉無錫人與儲巖領袖文苑齊卽倅人譽缺竟文正義而於所居

畫小井田扁曰橫渠遺意

邵寶為大司徒疏乞終養不允其詩云乞歸未許
柰親何帝里風光夢裡過三月春寒青草短五
湖天遠白雲多客囊衣在縫猶寒驛路書來字
欲磨聖主恩深臣分淺百年心事兩蹉跎讀之

令人感發最為海內傳誦

程楷

字廷澤號念齋樂平人

程念齋初發棹北上赴會試是夕夢人有携扇面
畫梅枝一念齋題云誰把枯根紙上栽瓊花錯
落帶晴開天公預報春消息占斷江南第一魁
覺而喜明年丁未果中禮部第一官編修無嗣
而卒人謂枯根之語意為先識云

堯山堂外紀卷八十八終

堯山堂外紀卷八十九

晉陵蔣仲舒編

國朝

敬皇帝

升遐之日大風拔木市中繳盡騰空中衆見有黃袍人乘龍而升者

孝廟御製靜中吟曰習靜調元養此身此身無恙
卽天真周家八百延光祚社稷安危在得人是
時召學士張元楨進講太極圖契於皇心見於
皇言深符主靜立極純心用賢之說

孝廟體稍不佳即誦詩云自身有病自心知身病
還將心自醫心若病時身亦病心身原是病生
時。

弘治三年會元錢福狀元及第 上為句曰春闈
得士狀元元是會元詞臣應制曰曉殿遷官少
保保為太保十月頒曆 上為句曰鳳曆初須
春意遠孚於四海詞臣應制曰麟經繼作聖心
允契於百王皆以稱旨聞

孝宗端午自書一對云綵線結成長壽勝丹砂書
就辟邪符重陽出一對云今朝重九九重又過
一重陽命大監蕭敬等對之皆不能應後亦未
聞有能對者

孝廟優禮大臣無大故未嘗斥辱如尚書劉大夏
都御史戴珊輩往往召至幄中從容講論天顏
和悅真如家人父子內閣諸臣皆稱為先生李
西涯有詩云近臣嘗造膝閣老不呼名蓋實錄

也

孝廟徧祀宗藩秦王送朝使詩曰九重聖主篤同
宗遣使明裡禮秩崇卿相敬恭承德意廟靈仿
彿著儀容客山夜靜風雲會大地春回雨露濃
歸覲重煩陳一語親藩存沒感恩同

癸亥正月郊 上以微恙不果行有旨俟平復親
舉至二月中旬始克行蓋上謂天子祭天地不
可假諸臣下必俟疾愈方舉故鑾輿出郊遠近

快睹皆呼萬歲李閣老東陽有詩云聖躬已豫
思獨潔願達平安上紫宸紀其實也

鄒智

字汝愚號立齋四川合州人居龍泉庵
貧無繼畧之給則掃樹葉蓄之焚以照

讀書達旦如是者
三年遂成通儒

鄒立齋年十六發解蜀省迎宴日閭巷覩者藉藉
嘆羨公馬上占絕句云龍泉山下一書生偶占
三巴第一名世上許多難了事市兒何用喜相
驚比上春官時鄉里一尊官見而欣羨之謂曰

某省一解元與予相若可一訪否尊官蓋俗輩第羨其均以妙齡掇巍科云爾公初以其為同志也亟訪之才晤坐以其人忽問曰子省榜首坊金視衆舉子為增幾何公大恚即拂衣起不答而出

孝廟登極御史湯鼐等交章薦起三原王恕為吏部尚書公素禮重風義之士李文祥及鄒智十餘人與鼐往來高自標榜謂鼐為先鋒文祥為

大將既而窮謫戍甘肅辭連及智併下之獄智
在獄中寫懷詩有曰人到白頭終是盡事垂青
史定誰真夢中不識身猶繫又逐東風入紫宸
物劉吉憾鄒智嘗劾已諷錦衣衛逼供智與湯鼐
等往來欲處以死刑部侍郎彭韶辭疾不為判
案始獲免乃謫雷州石城千戶所吏目辭朝詩
曰盡披肝膽知何日望見衣裳 此時但願太
平無一事孤臣萬死更何悲及赴謫所道經廣

州有司留館坡山事民爭先謁焉其同年蒼梧
吳獻臣廷舉尹順德令邑民李煥於古樓村建
亭居之扁曰謫仙其父來視責以不能祿養箠
之泣受不辭弘治辛亥十月卒獻臣往治其喪
適方伯東山劉公大夏至邑不暇出迎廉知其
故反加禮待共資卹還其喪獻臣自是知名白
紗陳公甫追次智詩曰遷客一亭遺海濱當時
誰號謫仙人花汀柳市無疆界盡是乾坤一樣

春獻臣和曰浮雲浩浩南海濱落花獨照窮愁
人狼藉幾株桃李盡謫仙亭上可憐春趙進士
璜曰柱頰孤亭野水濱閣壺風月謫仙人而今
只有殘鶻在啼老東溟二月春蔣知縣昇曰謫
仙亭子海之濱仙去亭空月傍人二十四番花
落盡一杯誰共送殘春

李文祥

麻城人鄒智
同年進士

初萬安子翼第進士官至侍郎翼子弘璧復倖雋

李文祥為其同榜時，負才名，將奉大對。安欲以弘璧託之，因許及第。文祥以正對，安乃使弘璧延於別館，致款屬題。畫鳩文祥奮筆作詩，其末句云：春來風雨尋常事，莫把天恩作已恩。安銜之。弘治初，有媒孽文祥妄議朝政者，謫隆興衛。經歷西涯贈詩一聯云：戒酒不從花底醉，愛魚多在水中居。李後被酒過河，冰陷溺死，人以為

識

楊茂仁

字志道文懿公守陳子也幼習同榜進士

吳江為刑部主事差還復命鴻臚寺官語之曰毅音要洪大正選通政時也起身不要背上至日早吳果努力高毅亦無音節又橫走下御街西孝廟為之解顏時同僚楊郎中茂仁作一對句云高叫一聲驚動兩班文武橫行幾步笑回萬乘君王一時盛傳資諫云

胡燿

字仲光蕪湖人毛澄榜進士

胡仲光初改庶吉士內閣試上苑聞鳩詩曰春日
晴和欲醉人耳邊忽聽一穀新似將明主三推
意喚起良農四海春花鳥有情憐好景雨暘無
補愧微臣聽餘忽起江南思百畝沙田野水濱
內閣以暘雨句為識已遂出為戶部主事

盧瀚

揚州人初進士

盧瀚妻李氏名妙惠有貞操弘治初盧會試不第
留京講學有同姓名者必誤傳至家會歲饑父

母憐李寡強以聘江西新淦巨商謝能之子啟
李自經者再不得已歸於謝謝繼母亦揚州人
李懇乞為婢以全節操答不能奪李侍母不離
啟先載鹽赴江西母與李繼歸舟泊金山母與
李登寺酬愿李題詩於壁云一自當年折鳳凰
至今消息兩茫茫蓋棺不作橫金婦八地還尋
折桂郎彭澤曉烟歸宿夢瀟湘夜雨斷愁腸新
詩寫向金山寺高掛雲帆過豫章署其後曰揚

州盧某妻李氏題既而盧舉進士以修實錄差往江西過揚州知李已嫁及登金山寺見所題詩而泣及至江西訪鹽船多艤河下教慧隸誦詩往來鹽舡間二日李聞知喚問詩從何處得隸告以故李驚喜曰吾夫尚存耶密約暮夜以舟來迓蓋恐明言之則穀揚不雅也是夜果附舟昇至盧寓館為夫婦如初蓋李歸謝逾二年貞操益勵謝母亦為獲持以遂其志及是歸盧

母亦嘆異

李瓚

濮州人號杏岡
朱希周榜進士

李杏岡嘗謫判饒州時長興箬溪顧公應祥為節
推同寓景德鎮行館壁有舊題杏岡和云世態
等川流浮生到處留榮枯一場夢今古兩眉愁
誓志堅如柏持心赤似榴上方如可借請斬佞
臣頭時有暴縱故末句云既乃屬箬溪和云逝
者無端晝夜流少年一去仗誰留酒星照我何

堯山堂外紀卷八十九

嘗醉世事憑他不用愁
槐影怕看當戶月賞心
惟愛隔牆榴寒虫不啗興
亡恨底事啾啾在砌
頭杏岡大稱賞

趙鶴

字叔鳴揚州人李瓚同榜詩耻九語於古交謝靈運於清泰玉郊於元愛劉目

趙叔鳴督學山東誓清膠庠所至考校生員多所
罷黜衆議紛然縉紳亦多厭之竟以此罷官鶴
去貴溪江潮代之潮亦風氣凜然生員之傷于
者猶畏之潮出巡至齊河臨其分司壁間有題

對句云趙鶴方翦爪翼江潮又起風波潮見之
自科舉後不復再歲考

陳琳

莆田人亦
李贛同榜

陳琳典南畿學政甚得士子心後以諫去國諸生
中獨朱良育送詩最為傳誦其詩云春風露冕
出郊原落日停驂望國門抗疏要談天下事
官應過海南村湯湯江漢羈臣淚納納乾坤聖
主恩歷試古來名節士為言身屈道尤尊識者

以為不下李師中送唐御史也

張恩

南坡人柏崖狀元之子倫文叔榜進士

弘治間西曹有一對云一雙狀元子兩個探花翁
是雖貧詭然亦奇事蓋主事有張恩王守仁其
父尚書昇學士華皆狀元又有劉鳳儀李瓚其
子內翰龍內翰廷相皆探花也

張兩山方伯

恩

歸自嶺南與樂平朱肅川大尹

文

選

聯舟倡和過青灣兩山吟云輕篙短棹下清

灣一抹。岷光四座環。水底有天。天映水。山前多
樹。樹連山。忘棧野鳥高。應下。卽煖沙鷗去。復還
却。咲烟波。江上客。越南江北。路間閑。朱和云。浩
歌一曲。下溪灣。仰漢流光似轉環。縱我酒豪拚
歲月。逼人詩債。為江山。懶飛鳧。馬天邊去。却駕
仙槎海上還。歸到故園深絕處。草堂長借白雲
關。西山嘆服。

張兩山嘗寓白沙驛。開武廟北。巡作詩曰。龍馭

奔胡戰膽寒。男兒此去負衣冠。平生犬馬心無補。幾夜風波夢未安。愁極黃沙千里外。望窮紅日五雲端。細常一束無人任。却說中原宇宙寬。

魯鐸

字振之。湖廣景陵人。弘治壬戌春。初京師。有善占天文者。禮部諸公詰之曰。魁

在何處。占者曰。文星在楚。魁常在湖廣。越一月。將揭曉。復命占之。占者訝曰。文星入

楚。漢八秦。漢魁當在陝西。已而

譯中會元。武功康海中狀元。

魯文恪公為秀才時。曾有詩云。古樹同頭屋數椽。主人家世只殘編。居臨江漢東南會。運到雲龍

五百年。七澤。鳶魚。渾道。體九州。兄弟。或顛連。西
周。老鳳。雛將。近會。見梧桐。居影。圓共志。趣如此
魯文。恪公。為舉人。寺屬。遠行。遇雪。雨泥。海夜。止旅
合宿。憐馬。卒寒。苦即。令卧。之余。下因。賦詩。云半
渡。青衫。弱稚。兒馬前。怎得。浪驅。馳凡由。父母。皆
言子。小異。閭閻。我却。誰事。在世。情皆可。笑恩。從
吾。幼未。難推。泥途。還藉。來朝。力伸。縮相。加莫。漫
疑。

魯文恪公同榜復有一魯驛永平人又有兩朱袞
一美貌一不揚時有對曰魯鐸分南北朱袞別
妍媸

董玘

字文玉號中
峯初名元

弘治乙卯張御史泰按雲南會鎮守太監劉昶總
兵黔國公沐琮巡撫都御史張浩保舉神童董
元者紹興人知雲南府後次子也八歲能詩詠
胡桃曰形狀如雞子剛柔實未分擘開混沌殼

潭是一園仁梅月曰夢覺羅泮夜已闌君矣雲
靜月團圓玉人不學桃花面淨洗紅粧鏡裏看
九歲以來真楷草書歌賦序記及三場文字亦
皆能之今十三矣請查照李東陽程敏政揚一
清洪鍾寧例考送翰林院讀書疏上上召試不
如所言命還藉乃克會稽縣學生更名祀乙丑
會元登第

顧鼎臣

字九和初名全疏未齊崑山人父恂
年五十餘始生公既壯每夜焚香求

祈父壽一夕夢黃鶴。後天飛來。近視之。即
所矣。未也。後有味。此字數行末云自此以
後開田單大牛通竹
無滯盡乙丑之兆云

崑山之俗以八月十八日為潮生日。合邑往東門
觀潮。弘治甲子。臣觀潮詩云。海若鞭潮出海
門。雲奔雪捲帶靈氛。六聲駕撼三山動。萬馬
傳百谷開。應識更期人似玉。往觀誰使女如雲。
傳巖舟楫真時用。康濟功成日未曛。明年大魁
天下

魏校

號莊渠崑山人
顧甯臣榜進士

魏莊渠督學嶺南以正學迪士始一二年校士以
文暨後專崇行檢士未試文而高下進退已有
定列臨試止書一破而已然親信一二生徒惟
言是用有林生者竟以賄敗公嘗會十郡之士
講於臬司之愛蓮堂有書一韻絕句云自疑自
失自驚心却咲斯人巧用心惟有愛蓮堂上月
分明照破此人心

馮蘭

弘治間姚江馮蘭為董學憲副有同年嘉禾侍郎
屠勳相遇錢塘屠談往與東郎中結奏事曰東
已死於軍妻子流落予官尚未艾乎繼而出棋
局扇面索題馮援筆曰白雲堆裏四公亭亭下
只遺空石秤相逢莫自誇高手一遍輸來一遍
贏屠遂默然

堯山堂外紀卷八十九終